

Na osnovu člana 4. stav (3) Zakona o Agenciji za identifikacione dokumente, evidenciju i razmjenu podataka Bosne i Hercegovine ("Službeni glasnik BiH", broj 56/08), člana 40. stav (4) Zakona o ličnoj karti državljana Bosne i Hercegovine ("Službeni glasnik BiH", br. 32/01, 16/02, 32/07, 53/07, 56/08 i 18/12) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na prijedlog Agencije za identifikacione dokumente, evidenciju i razmjenu podataka Bosne i Hercegovine, Vijeće ministara Bosne i Hercegovine, na 27. sjednici održanoj 16.11.2012. godine, donijelo je

PRAVILNIK

O CIJENI LIČNIH DOKUMENATA

Član 1. (Predmet)

(1) Ovim Pravilnikom propisuje se visina naknade koja se plaća prilikom izdavanja ličnih dokumenata za građane Bosne i Hercegovine, način uplate, raspodjela i namjena sredstava ostvarenih izdavanjem ovih dokumenata.

(2) Lični dokumenti u smislu stava (1) ovog člana smatraju se lična karta i vozačka dozvola.

Član 2. (Visina naknade ličnih dokumenata)

Visina naknade ličnih dokumenata iz člana 1. ovog Pravilnika je:

- 1) Lična karta 18,00 KM
- 2) Vozačka dozvola 60,00 KM

Član 3. (Uplata sredstava)

Sredstva ostvarena izdavanjem ličnih dokumenata: ličnih karata i vozačkih dozvola uplatit će se na jedinstveni račun Ministarstva finansija i trezora Bosne i Hercegovine, u skladu sa instrukcijama Ministarstva finansija i trezora Bosne i Hercegovine.

Član 4. (Raspodjela sredstava)

(1) Od naknade za vozačku dozvolu iz člana 2. Ovog Pravilnika, nadležnim organima iz člana 7. Zakona o ličnoj karti državljana Bosne i Hercegovine ("Službeni glasnik BiH", br. 32/01, 16/02, 32/07, 53/07, 56/08 i 18/12) (u daljnjem tekstu: Zakon) za izdavanje istih pripada 20,00 KM od naknade izdate vozačke dozvole na ime režijskih troškova.

(2) Ministarstvo finansija i trezora Bosne i Hercegovine će nadležnim organima u entitetima i Brčko Distriktu Bosne i Hercegovine, refundirati mjesečno sredstva iz stava (1) ovog člana, a na osnovu podataka koji se

vode u evidencijama Agencije za identifikacione dokumente, evidenciju i razmjenu podataka Bosne i Hercegovine.

Član 5.
(Namjena sredstava)

(1) Nadležni organi za izdavanje ličnih karata i vozačkih dozvola, sredstva za režijske troškove koristit će za: stručnu radnu snagu, fizičko i tehničko osiguranje prostora, plaćanje troškova zakupa potrebnog šalterskog i dodatnog prostora, nabavku i održavanje opreme koja se koristi za obradu i razmjenu podataka, pokriće troškova telefonskih usluga, osiguranje potrošnog i kancelarijskog materijala, osiguranje prostora za arhiviranje dokumentacije nastale u radu, kao i za druge troškove nastale u postupku izdavanja ličnih karata i vozačkih dozvola.

(2) Agencija za identifikacione dokumente, evidenciju i razmjenu podataka Bosne i Hercegovine zajedno sa Ministarstvom finansija i trezora Bosne i Hercegovine dužna je osigurati način evidentiranja i praćenja prihoda i rashoda Budžeta institucija Bosne i Hercegovine i međunarodnih obaveza Bosne i Hercegovine ostvarenih po osnovu izdavanja ličnih dokumenata u smislu ovog Pravilnika.

Član 6.
(Refundacija za uništene obrasce)

Obrasce ličnih karata i vozačkih dozvola, koji su uništeni tokom personalizacije zbog greške službenika nadležnog organa tokom vođenja upravnog postupka, odnosno zbog dostavljenih pogrešnih podataka za personalizaciju, će se oduzimati od sredstava koja se u skladu sa članom 4. stav (2) refundiraju prema naknadama definisanim u članu 2. ovog Pravilnika po dokumentu.

Član 7.
(Naknada za unos kvalificirane potvrde)

(1) Naknada za unos kvalificirane potvrde na ličnu kartu, a koja će omogućiti digitalno predstavljanje, neće se naplaćivati.

(2) Naknada za kvalificirane potvrde koje će omogućiti upotrebu sigurnog elektronskog potpisa ovjerenog sa kvalificiranom potvrdom u smislu odredbi Zakona o elektronskom potpisu ("Službeni glasnik BiH", broj 91/06) utvrdit će se posebnom Odlukom.

Član 8.
(Rok važenja propisa)

Odredbe ovog Pravilnika važe samo do 31.12.2015. godine.

Član 9.
(Prestanak primjene ranijeg propisa)

Stupanjem na snagu ovog Pravilnika prestaje da važi Pravilnik o cijeni ličnih dokumenata državljana Bosne i Hercegovine ("Službeni glasnik BiH", broj 35/09).

Član 10.
(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH", a primjenjivat će se od dana donošenja Odluke o početku izdavanja ličnih karata sa elektronskim memorijskim elementom u skladu sa članom 38. Zakona.

VM broj 200/12
16. novembra 2012. godine
Sarajevo

Predsjedavajući
Vijeća ministara BiH
Vjekoslav Bevanda, s. r.